

吳學士文集

序

肇煌典籥蘭臺珥筆蓬觀聞前輩著籍稱全椒吳山尊學士之  
賢閒覽院中所藏乾嘉中制誥之作頌述之篇得學士所撰莫  
不蹈厲前載跨越凡近有劉原父之精敏兼陸敬輿之剴切益  
信學士爲藝府杓魁辭林弁冕而其集世少傳者心竊憾焉來  
江甯之二年辭慰農院長同年始出此編相示凡爲文四卷詩  
五卷蓋其難兄淮生侍御同年所手輯也肇煌懷之三十年僅  
而得之發函陳筴歡懣無量亟鋟之木津逮來者旣卒業爰綴  
一言于簡端學士識洞三微言貫九變韋弦之贄貺于宙合山  
斗之譽溢于甸外弁一代之雅成不朽之業袁吳博麗而刪其  
濫音邵曾清雋而振其弱體一篇一什傳之其人上相傾襟名

流斂手彼錢沈雍容之奏張洪偏宕之風學士方之是二是  
待詔金闥通義石渠負馬工枚速之才際堯醴舜薰之會入對  
三雍出總七略紬書東觀抗希文疆作記西京揖孫子駿稽古  
之榮九牧叩鏡晚抽朝簪寄傲物外竹西歌吹江左觴詠三日  
之禊上追永和一集之名下軼長慶跌宕白社之中寄通靈臺  
之下伯倫閉關惟事頌酒中散入坐雅宜賦琴遠跡崇情亦元  
亦釋而宿草旣刈緒言莫傳太冲賦筆終于覆瓿長吉詩篇或  
至投溷翳如之戚唏其歎矣今淮生弄之于前慰農顯之于後  
盧弁舊聞邳張前哲定敬禮小文竝世非無子建傳揚雲奇字  
後生賴有侯芭其于學士可云無負抑亦肇煌之願也肇煌學  
殖日落視學士所業百不逮一而一辭青瑣沈鬱簿領顧瞻玉

堂如在天上循省此編主臣而已校字者上元秦際唐伯虞金  
壇馮煦夢華也光緒八年歲次壬午三月上澣江甯旬宣使者  
番禺梁肇煌序

序

全椒吳山尊學士以千秋一二之才撰八家四六之集平章眾  
製希風建安品藻羣倫復聞正始非徒尙友古人抑亦其中有  
我所業在此來者難誣夫不朽之事自然之文代有數人今不  
逮古學士際星雲膺載之朝枚馬同時之盛明東漢之師法而  
不必稱樸學擅北宋之詩格而不居於名家獨於駢偶之篇奄  
有唐賢之體任沈清英而不疏齊梁綺麗而不緜閎深若張燕  
公開闔若杜牧之所以郎伯齊名孫伯淵青藍謝色也劉闢廷獻  
童年篆刻夙愧子雲三日坐臥不忘索靖一行作吏之日賢者  
通德之里平泉花木同梓澤之邱墟蓬萊文章亦羽陵之墜簡  
徵文考獻抱闕守殘得遺文數十篇於侍御薛先生家塾讀竟

叢殘粗爲排類蓋自定之集不可復見散佚之餘賴有此耳學  
士定八家之文逸二汪存南容甫之作披文相質落實取材伐柯之  
則在於簡質清剛相馬之真主於清轉華妙善於持論夫子自  
道卽以學士之說次第學士之文賦先正明清之詩待有私淑  
艾之士資於枕祕蔡中郎之論衡可與其語寒陵寺之片石光  
緒六年重九後三日譚廷獻書於銅陵舟中

吳學士文集目錄

番禺梁肇煌檀圃編訂  
全根薛時雨慰農

太上皇帝紀元周甲授受禮成恭紀

皇上六旬萬壽恭頌

皇上六旬萬壽恭紀樂府二十章 謹序

皇上六旬萬壽恭紀原壽上下篇 謹序

聖駕東巡盛京祇謁 祖陵禮成恭紀八體文 上陵篇 戰國贊 陪京聯珠

國俗箴 東巡謄 聰聽彞訓說 告慶典引 擬羣臣賀謁 陵禮成表

聖駕東巡盛京祇謁 祖陵禮成頌序

聖駕東巡盛京祇謁 祖陵禮成頌

聖駕臨幸翰林院禮成頌

川楚蕩平雅

恭賀天喜劄子

右文目一

嘉慶十四年元旦恩詔聯珠十二首

孝淑皇后梓宮奉安饗奠禮祭文

恭擬三壇謝雨文

恭擬 敕建褒忠祠碑文

恭擬 敕建太子太保都統三等公額勒登保碑文

爲衍聖公謝 敕修闕里廟堂表

代朱師謝壬戌正月謁 陵賜所過地方棉衣免地丁十分之

三並減文安額賦表



代鐵師謝賜 御製集石鼓文製鼓重刻序重刻石鼓文及石  
鼓文墨刻表

代鐵師奉 敕編錄八旗詩進呈表

代鐵師謝 御製八旗人詩集序表

高宗實錄告成議敘謝表

謝 賜物表

賀 御書殿額表

謝授右春坊右庶子表

御製十全老人之寶說恭跋

御製說經古文恭跋

代

御製祕殿珠林石渠寶笈序恭跋

代

御製兵部奏凱旋兵丁至京由驛各歸營伍紀事恭跋代  
諭楚黔巴蜀諸苗檄一首

右文目二

團扇賦

後團扇賦

並蒂蓮賦

擬王元長三月三日曲水詩序

八家四六文鈔序

維清堂詩序

桐城張氏經筵四世詩序代

題襟館消寒聯句詩後序

嚴小秋詞序

家荷屋侍御筠清消暑圖序

甲寅七夕集都門咏篁軒圖補序

慶蕉園方伯遊金山圖序

陳曼生江亭錄別圖序

揚州桃花庵餞行圖序

徐中翰同年

所

從軍圖序

消寒九九圖序

送費西塘同年奉使冊封琉球序

送何蘭士同年

道生

之任圍夏序

董蔗林相國七十壽序

阮湘圃太老夫子七十壽序

吳穀人先生七十壽序

蘇東藩先生八十壽序

代

覺羅恆觀察年丈五十壽序

南昌黃圖庵年丈六十壽序

懷蔭齋觀察七十壽序

汪織軒同年六十壽序

代

江玉華七十壽序

何梧軒年丈暨配李宜人七十雙壽序

南海葉花谿先生暨配顏夫人六十雙壽序

潘雲浦年丈暨配黃夫人六十雙壽序

馬母胡太宜人六十壽序

王母阮恭人六十壽序

吳母易太孺人八十壽序

代

吳母章太安人六十壽序

戴師母楊安人五十壽序

盛母張太宜人六十壽序

右文目三

法司成彙裝汪江程三君手蹟跋

蕭山汪氏雙節事實跋

黃竹雲

盛修

舟隱圖跋

陳騎尉

廣嗣

白雲圖跋

家石亭先生鏡眉關雪圖跋

周東屏前輩鄉關乘傳圖跋

家鑑南先生從軍圖跋

小倉山房外集題辭

玉芝堂文集題辭

思補堂文集題辭

儀鄭堂遺藁題辭

有正味齋續集題辭

西谿漁隱外集題辭

問字堂外集題辭

卷施閣文乙集題辭

汪紫珊袁蘭村合集題辭

吳塘山墓圖題辭

葉博塢墓圖題辭

梧門圖題辭

題湘雪遺照

自題小像

再題小像

六安晁氏義田碑記

又一村春宴記

上百制府書

復上百制府書

與某太守書

公舉金孝子啟

丁母張孺人九十徵詩啟

沈節母六十徵詩啟

家穆齋編修傳

洪節母傳

鮑母方淑人傳

吳母程太恭人傳

張母王恭人傳

邵孺人傳

賜諡文正大興朱公墓誌銘



鮑公宵園誄

李載岳誄

祭王夢樓前輩文

祭胡雙湖觀察文

祭覺羅恆慶文

祭廣東澄海縣知縣數峯何公文

祭史封翁文

祭法梧門祭酒妻某恭人文

祭孫母許太恭人文

祭孫母金太恭人文

祭邱母沈太孺人文

右文目四

吳學士文集卷一

番禺梁肇煌檀圃編訂  
全椒薛時雨慰農

太上皇帝紀元周甲授受禮成恭頌

謹序

欽惟我

太上皇帝五福膺全八徵念庶壽爲初祐衍甲子於京垓  
天貺全人嫔勲華之授受

孫六十如

祖六十踰兩必世之年泰九三卽乾九三協一以清之德溯自  
丙辰籲

帝初元陳讓善之心暨乎癸巳薦人繼序卜承家之吉耆筵載  
舉賡湛露於丹宸恩榜先開躋青雲於皓首惠惟勿問敷

皇極則錫五蠲精三蠲行而後言衍

帝範則文三集詩五集苞符道闡陬澁歡騰凡茲純嘏之常悉  
本耄勤之懋上辛蒼璧躬修百拜之儀吉亥青疇親御四推之  
禮

東西陵之間謁濡霜露而勤思

昭穆考之不承捧典謨而額頌傲晏眠而問旦繼

天則

天行秋獮而蒐軍繩武講武山莊習穀紀恩篤世德之求廣殿  
題楣勤政切心傳之守

聖猶好學廣繼志於圖書武不佳兵闡信天於征伐拓二萬里  
之宇增十五倍之民行看六世同堂共祝億齡會極而乃謙謙

聖度訓每切於持盈抑抑經筵勤不忘夫念典宜乎貞符聯合  
靈緯訢通曼壽延洪純禧緝晉德功巍煥卻隆號之推崇風雨  
和甘戒羣言於祥瑞也茲者隆儀授璽盛旦垂裳喜起浹乎人  
天朝宗兼乎中外揭兩言之兢業傳統傳心綿奕禩之昇平歸  
政訓政萬年萬本宮中時憲之書寶泉寶源寶內乾元之範顯  
承篤慶創守孚嘉唐哉皇哉美矣備矣臣初偕鴛鴦文章未報  
平主知游服豸蟬門戶凜遵乎

聖訓惟樛質幸游於壽宇而薇垣遂寵以崇班丁景貺之獨隆  
愧敷陳之無當長言紀實敢侈揚馬之詞洪業蒙庥請誦唐虞  
之典謹製頌十章拜手稽首以獻其詞曰

丙開舜紀辰啟堯年恩言申巽瑞牒承乾上春溫煦仁宇洪延

億齡篤祐

天與十全

其一

啟

聖惟

天法

天惟

聖六幕調元四時成政體健因心功成躋敬無逸則壽寅承翼

命

其二

祀

天在德

御論粹精壇垓告潔圭璧通誠太社太稷月姊日兄凝承將享

六紀躬行

其三

長白發祥大東建宇五葉思文

三后續武創守積勞遲速合矩光于前勳昭茲來許

其四

聰明

天廬莊敬日強底續河海念微雨暘春巡渥澤秋讞精詳孚心

孚德四海太康

其五

五萬詩文敷言錫極理洽身心惠周邦國

道味自腴天章不飭綱紀四方孜孜君職

其六

皇輿無外天討

必張旣平西域又震朱方瓶頒後藏甌拓新疆臺灣交趾我武

惟揚

其七

民物咸和禮樂乃作聲容倬章中和宣簫朝廟德馨

郊壇用博禮器詩譜千古昭燦

其八

至誠旋運大業敦崇典新

露湛道久風同傳中精一佑正龐鴻休嘉於萬福履

聖躬

其九

皇帝承顏稱觥祝嘏南弧炳輝南山奏雅運際皇春歡濃函夏

萬國萬年養以天下

其十

皇上六旬萬壽恭頌

臣聞紫穹錫美金泥陳曼壽之符黃屋甄靈玉燭增泰元之筴  
是以大章樂布符華祝於三多時邁禮成協嵩呼於萬歲古皇  
皆豐祚完圖穆以配清圖治世多大年履仁智而頌樂壽然而  
神光鼎永衢誦衍封禪之書靈祉蟬聯籥章襲商周之雅多非  
紀實未足延洪蓋惟德秉貞恆嵩茂根於天縱政成悠遠川增  
裕於民懷累洽重熙承七廟以書和親之冊久安長治康億人  
以求宵旰之圖管子曰人君壽以政年荀子曰得眾動天美意  
延年非

大聖人其孰能與于斯乎恭維我

皇上神樞鞏泰心矩和恆合照於咸池浴日之初揮薰於薄海



從風之暇綿道源於

列聖長發其祥亘心法於一誠永言爲則青宮闡古今之祕集  
早富於味餘丹筆敷中外之恩理仍原於執競溯自

高宗純皇帝守器傳器薦人得人自癸巳摺壁郊壇值升歆而  
陳付託迨癸卯展輪

陵寢因扈從而卜顯承仰蒙

天

祖之俞克協

君

師之作昇

神孫以大寶兼直以聰明授主器以靈囊更錫之弗遐我

皇上三年待訓五夜勛勤迨乎親政之年茂其紹休之業稟承  
睿算督膚功而三省收圖紀載文謨成實錄而六經嗣續謁神  
皋幸翰苑皆繩武於先猷舉秋獮藉春田並衣言於前軌合

園丘

方澤而修歲事彌旱潦於祈穀之衷總時享裕祭而報宗功厚  
螽麟以篤親之道雖實心實政文章不以月露爲工而至理至  
言著述實與春秋同富踐霜露而孝思布禮弓甲而王業陳攬  
全史而定其是非芟莠言而彰其邪正敘八旗詩集以忠孝通  
雅頌之原御二月經筵於議論見經綸之本歌邠詩則耕桑操  
其首務咏左傳則筆削得諸微詞貴民天而題耕織之圖辨河  
道而晰青黃之派才德論則握知人之紐義利辨則操察理之

樞疏政竄吏蠹之源揭經正民興之效游觀文之代宸翰已盛  
於望洋讀勤政之篇

帝念仍殷於體國省方行慶預停車馬之供祝嘏臚歡早禁金  
珠之獻兵增養育瞻七萃而武庫稱雄澤洽懷柔踰三關而鹽  
池效貢疏河注海長堤築則親示機宜貨粟蠲租偏隅歉則疊  
加賑賚春祺普錫仍減賦於鸞輅所經秋審詳勘更宣仁於鷄  
竿之植官方旣飭士氣方和倬雲章以追琢經林樹風聲以陶  
鈞儒術補祕閣藏書之空篋金薤垂芬續詞林故事之前編玉  
堂拜寵鎖闥耆碩沾化雨而草澤生春蹕路菁英被仁風而桂  
林掇秀加禮尤隆於舊學開科且厚於近宗凡深宮劄帟所必  
周豈下界敷陳之能畢又況

聖壽五旬以後更兼大猷萬舉之金玉牒重修敦本莫先於芘  
葛珠邱再謁酬恩深廑夫披荊惟

聖孝之崇隆皆

考恩之佑啟所以稂莠旋芟於勁旅清黃徐定於神機合曹縣  
滑縣而計日蕩平舉南河東河而積年鞏固於是彰全忠則殉  
難之八口不靳殊恩獎微勞則在工之諸臣皆叨異數所以扶  
持名教鼓舞官寮俾愚魯盡復初心使士庶皆知大義垓埏風  
偃奧窳雲披害苗之蟲自投於畀火食桑之鳥胥化而懷音我  
皇上溫肅順時春秋在手念株連之害則寬大之諭屢頒憂莽  
伏之滋則藏匿之誅不道德刑惟一中之用天人乃百順之孚  
至於屢汎安瀾頻年順軌菱芻無缺隄障胥堅此我

皇上以仁孝之全奏平成之績度支舒裕黔稚康圖而不才如  
臣者亦得免隕越之愆上中和之頌也而

聖衷不矜孚惠益切勞謙卻祥瑞而不言抱痼瘕而如見駕八  
鸞而鳴玉尙見官批摺之勤求卻九牧之貢金惟問雨占晴之  
速奏誠能無息道修而教並修學有緝熙德盛而言亦盛立官  
立政儆邪炳於官箴直之匡之原教詳於宸翰因奉事而加以  
明訓示人心天理之難欺值謁

陵而著爲常經期家法宗功之勿替堯勤無倦軒居未闢蓋一  
日而萬幾實萬年如一日屬延禧於周甲益篤祐於由庚蕊榜  
先開貺駐防而增額絲言預沛查積欠以厘心衍百葉而垂鴻  
合九垓而翼燕禾嘉鳳集祥源早應夫長春雨潤鸞頒大號更

陳於元旦召和甘而綏豐以屢迓清晏而綿瑞方新七曜遵其  
德輝百川飲於福海此固已已祝釐之歲曾播諸絲綸而亦丙  
辰授璽之心所慰於陟降者矣蓋聞九五福曰壽上壽錫四極  
之齡八千歲爲春小春筦九陽之鑰仁聲鼓盪雁臣越重譯而  
來福緒綿延鶴算周三元未艾臣覲光天上守職河壖竊小草  
之科名抱低葵之忠款仰禹腓于水土賡幽兕于江淮敬拜手  
稽首而獻頌曰

天佑大清

聖

聖傳澤貽燕豐隆垂鴻臚奕久道無疆大年有繹珍符合心義

軒踐跡

其一

於惟我

皇乃武乃文續續水注紹德風薰虞典實錄周謨大勳尊藏萬

禩加勞勛勤

其二

帝不尙文執競秉誠折衷至正發抒太清官箴式謹

御論較精

聖壽六秩三集怡成

其三

帝不尙武安良除暴大師雷轟前旌霓導川楚賊平曹滑捷報

經正無邪

帝撰原教

其四

昨歲興京敬禮弓鉞

高宗四巡吾

皇再謁惟

天佑之惟

祖貽厥至于萬年大禮敢闕

其五

先開恩科首頒

恩旨萬壽無疆萬邦有喜天人交孚岳瀆先祀古帝王陵並及

闕里

其六

九經親親次敬大臣各加賞賚遍迨簪紳既晉爾階

兼賁爾親國學鄉學曠典浹淪

其七

潛德既褒耆年必養孤子

免徭窮民拜貺租稅蠲除囹圄釋放泰元包含太和醞釀

其八

醞釀太和

天錫純祐四瀆瀾安兩階千舞孫億子千雨十風五飽以豐年

居之壽宇

其九

帝頒萬福曰壽吾民經壇勿設貢物勿陳黜華崇儉去浮卽真

乾闥坤握億萬斯民

其十



皇上六旬萬壽恭紀樂府二十章

謹序

嘉慶二十四年歲在己卯臣謹按漢劉熙釋名曰己紀也淮南子天文訓註萬物各成其性也許慎說文解字云卯象開門又云卯爲春門蓋篆書卯字象天門開漢書郊祀歌天門開詠蕩蕩實值我

皇上六旬萬壽延釐錫慶之年三光洞貫宙合曦朗海晏區謐萬邦告豐此誠

天人慶洽中外禔福之大會也欽惟大清受命

昊蒼全付所覆八表四瀛九域萬國

列祖

列宗肖德則維功業鑠乎五三我

高宗純皇帝御宇六十年訓政三年加勞勛勤若二十五齡御極之初頒黔熙大圖用歆延謀選政不懈益虔愼重國本爲天下得人初不明示於乾隆癸巳以

皇上御名通誠青壇告付託所屬癸卯祇巡興京恭謁神皋特命

皇帝扈侍

高宗純皇帝卽以傳器默告乙巳行藉田禮命隨從播種蓋已預知我

皇上肯穫綏豐無疆維休

天

祖次第同俞

高宗純皇帝之請畀

皇上以八際九垓之疆宇兼畀以億兆京垓之福壽篤祐錫羨靡有涯涘我

皇上畏明威念世德萬年孺慕陟降臨保一日二日萬幾萬萬年如一日每於武功告蒞洪流順軌雨暘時若百穀順成軍帥河臣封疆大吏入告

皇上必歸功於

天眷

祖庇

考佑以明示朝野俾知鑒臨所照憑依所屬不敢不兢兢業業以臨履職事庶幾上下協心成億齡遠謨宏緒而實

皇上躬行以導之易曰鳴謙貞吉書曰其德之用祈天永命管子曰人君壽以政年晏子曰神民俱順山川納祿荀子曰得眾動天美意延年我

皇上仁育義征方隅懍順而不居其功夙求夜思憂勤脂膳而不言其勞衽席蒸民保

天所幬而天壽之宜乎

帝履康固安安綿綿於未艾也以聰明之天亶躋莊敬於日強鴻號嵩呼鶴籌海溢

皇帝受

天之寵延庚周甲思有以荅寶命先一年渙汗恩雨普免天下積欠以廿年來勘定宣防軍務河務總計費幾萬萬偏隅賑貸

總計費又幾萬萬而

聖心藏富廩左不稍靳惜蓋我

皇上除琢敦樸爲四表先節儉之所贏餘有以培國脈益民算  
閭閻康阜並質共剋賦寬氣裕偃風飲醴含甘吮滋太和洋溢  
咸歸福於楓宸祝

皇帝壽萬萬歲

天乃益厚其芘以報

皇帝代

天育物之功也

皇上事事法

天於本年歲首應春令之宣始和頒詔神人並治薄海歡洽曰

五嶽四瀆曰歷代帝王陵寢曰先師孔子皆遣官致祭曰自親王以下宗室覺羅年十五以上者曰滿漢大臣年六十以上者皆加賞賜曰內外文武滿漢官各加一級其應得封贈照新銜請由是而加惠士林國學鄉學同由是而賁光潛德滿漢男女同由是而推恩耆齡內外壽民壽婦同由是而法以恩貸坐法者同由是而加恩窮簷無告者與廢疾同由是而寬徭役貸虛糧豁應完之借項直省同此我

列祖

列宗暨

高宗純皇帝貽燕垂鴻之舊典曠恩而我

皇上受釐錫極所以紹衣卽以播闋者也往者

皇上五旬萬壽曾如是廣布仁綸自此而期頤而萬有千歲豈有旣哉而況預開鄉會試恩科於先期量寬內外各官應賄應交官項於恩旨旣播之後蓋

聖人之興賢連彙蔭暘蘇涸委曲周摯惠浸萌生不泄不遺如此此史所謂恢洪聖緒祉祚流行又所謂幽明協贊鼎祚齊天者宜矣信矣臣考古者朝廷有大慶典其臣多陳雅作頌以傳永久非其臣之富於詞也其君之令德豐功緝熙行健足以炳蔚往跡光昭來茲況我

皇上之醇懿鴻龐純嘏曼壽累牘書之不能畢其高遠者乎臣以西蜀菲才幸以拔萃科與廷試入選廁職部曹得從樞房學習恭誦

上諭由

聖謨之洋洋窺宸衷之翼翼大哉

皇言一哉

皇心綸綍日宣函夏風動孩赤元元蟠際無極

臣

爲並世蒼生

慶又自爲

臣

邁值昌辰得聽觀德音德輝慶近者奉恩命賦政

於外就

臣

役車所過下舞上歌蹈德詠仁蓋西至巴蜀

臣

之鄉

人來語

臣

者暨陳臬八閩生熟番海外之產頌聲達於內地者

異域同詞不獨中州依日月之光較近革其舊俗風澄波清輪  
無異轍也擊壤之叟佩觿之丱躑躅謳歌詞雖不文然如漢書  
採游童之謠未嘗不義正詞實有愚誠無讐語也

臣

職非太史

謹以暇日採擇俚俗譜入樂府比於飲衢含哺和以天倪用舒



愷懌罔識體要然且敬思據實騰歡以道乾亨坤慶鏡清砥平  
泳

聖涯於萬一

臣

謹踴躍忭舞拜手稽首以進

皇上春秋鼎盛恆疊敬勤中外一家臚歡祝嘏月屆小陽氣和  
日霽品彙咸熙萬春之行是爲權輿至於萬年膺受

天篤爲

天錫齡第一

天錫嘏康齡延

帝受之健行乾統萬綏萬至於萬年

帝加勞

天眷益綿綿見曾元螽詵麟振椒實蕃八荒躋仁壽嘉祥昇垓

挺百寶告成倉箱萬千海洋晏然民船商船貢船往來便便小

陽春春氣先春臺到處春無邊

第一章

皇上初元受璽

高宗純皇帝賜居長春仙館

世宗憲皇帝賜

高宗純皇帝所居也顧名思義誠如

御製紀恩詩所云孔固徵無極者小春長春可以上斯于南山

之頌爲仙館春第二

仙館春六十年前恩光新

聖人重以居

聖人傳心傳家堂構長相因

祖德鍾祥培深仁

考恩錫慶前軌循小春六日奉觴辰命以長春春無垠十年一  
舉慶典千萬巡

帝日佛日長轉輪

第二章

皇上親政後簡軍帥奏報核實

廟算百勝川楚蕩平慰在天盼捷之心誌重華聯句之喜爲大

武成第三

大武成旋六師川楚之民樂而嬉

皇清累業兼德威

純廟十武功巍巍蠶爾莠民乃決籬蟻聚犬吠梟附鴟

帝命方召兵柄持奏報以實賞不疑罰不輕貸斧鉞施四年功

身學詩文集 卷一  
藏傳紅旗萬宇表賀如風馳

帝曰予咎因循遲曰此小醜勤堯咨戊午未聯志喜詩籌筆稍報

聖父慈況得底績

考所貽

聖人讓善功不尸七載旦明

天

祖知界以康和千萬葦邪教說成義文追經正民興理在茲曹滑彼更何能爲兵不三月皆平治

第三章

皇帝纘緒念德篤懷恩勤恭纂

高宗純皇帝實錄一千五百卷卷帙之富千古無兩又

聖訓五百卷大孝丕承耀前裕後館臣編上親加閱定指示書  
法爲勲華典第四

勲華典起帝世稽古放勲重華二典僅千二百三十有一字  
純廟實錄不知踰幾億萬倍筆之爲書皆實事詩文六集三集  
外煌煌

上諭與廷寄開館編輯

帝爲定凡例次第一一經指示書成推恩優敘兼隆賜  
皇帝月日長跪口誦且心識上溯五朝實錄亦如是

帝曰一字亦強記行之昇平千萬嗣天章更賦全韻詩仰仿體

裁敘隆懿不朽大業

臣

未肄敬知紀載更明備

第四章

皇帝恪遵遺訓謂巡盛京謁

祖陵必不可緩蓋省山念艱觀舊俗而勵新猷意深遠也十四年中兩謁

三陵往返各數十日乙丑得詩百有七首戊寅富至百三十餘首多敬次

高宗純皇帝韻

高宗純皇帝作盛京賦

皇帝作頌爲作述侔第五

作述侔世德求

先聖

後聖先後謁珠邱頌紀省山雅賦篤公劉土壁葛燈儉德真貽謀弓服胄椅宗器留告廟升殿省覽周上儀羅共球沛賞恩意

稠舊京歡聲逢豫遊履

祖武法

考承

天休 第五章

皇上省歲念徵爲民請命穹慈三壇虔肅歲祀必躬齋宮丹稿  
緝敬徵文展誠盼蠶雨雪應祈爲肇禋成第六

肇禋成呼吸通太清

方

園壇薦一誠一誠格八表亨泰元富媪嬉遊儀庚萬祇奔走百  
福將迎三大祀

帝勤氓

天錫豫順圖且盈又況羣祀禮徧饗并又況

列祖穆穆明明時祭大祭馨德宗祏禮成慶成百寶成是謂肇  
禮成

第六章

皇上稟承家法歲舉秋獮以習勞講武柔遠爲三驅吉第七  
三驅吉圍場歲駐蹕弧矢之威非從禽此是前規關作述花準  
神鎗不輕出奉以習勞且儆佚古者大禹雨沐風櫛惟我

祖

宗勤蒐軍實勝兵不練久將不律歲歲講武貽穀祇適禁旅用  
命何戎不詰塞上父老歡聲肸肸誇兩朝

聖

聖神武先士卒射虎射鷹百不失一猶憶歲壬戌駕蒞山莊日



喜音驟來中外慶溢

帝曰

天恩

考佑何優隆七年之沴一掃畢舊章率

祖所彌感孚之理守之勿失惟

帝念茲益厲宥密

第七章

皇上勅幾無逸先行後言

御製勤政箴勤政殿記皆道宵旰思艱之實邇者荅內廷諸臣  
恭刊

御製詩文三集之請發明詩章與政事表裏微旨所由億齡思  
永也爲鞏丕基第八

聖訓通貫  
卷一  
一  
鞏丕基基丕丕

憲廟大書勤政字兩言治平真綱維睿藻闡發言顧行廿有四載惟孜孜豈惟廿四載至於萬年長如斯前規謹守勞不疲見官批摺萬年如一時倣怠詩用倣有位懲蠹詩以懲澆漓勤政箴先官箴作郅治本身爲先資內外分職各有司奈何癢曠忘肩仔國法豈汝貸汝心豈可欺盡忠與補過清夜當自思

皇言煌煌萬禩師諭旨用弁三集詩

聖心純一屏嗜好幾暇自娛惟文詞政事性情相維繫詩書傳世理不歧

聖訓通貫星日垂 第八章

皇上儲才籲俊恩榜三開福履方長慶典續舉仰繼

純廟二十七次而未艾也親賢同體遠邇一眎增宗室鄉會試  
許駐防應試爲文昌明第九

文昌明文運昌南弧秋見

天子壽康奎壁應之連曜輝煌三次恩科登俊良鄉試所增三  
千七百廿三人恩波何洋洋會榜又六百餘名章琢金玉相天  
潢連袂登玉堂

帝念向隅惟駐防俾同用賓器不藏四朝培養澤孔長

帝加之膏儒術光

第九章

皇上務本劭農辛祈亥藉格於

皇天甘霖時玉志喜盈帙先事之勤乙夜罔閒園林署額曰多  
稼曰春澤曰豐樂游觀所在皆開民事不可殫數省耕別墅

皇上所創也爲屢豐年第十

屢豐年

帝得

天勤民勤農心稽口宣觀耕觀穫並觀麥御園池館如農阡祈  
雨祈雪前載傳惟有所晴無其儀

聖人創始同吉蠲旱潦胥待援補揅操其全耕織圖棉花圖蒸  
黎辛苦衣食在目前丹青非創見曰我

聖父詩曾編

第十章

皇上教養兼權著於觀民之篇元良表正事事法

天法

祖道以德也近者諭頒

純廟所定通禮齊以禮也爲皇風圖第十一

皇風圖去僞而歸真克勤陳幽風崇儉民俗敦大猷非空言建極錫極皆以身虞廷命宗伯秩宗惟清寅大哉禮書有脊有倫先朝撰集未頒發

帝命刊布宏陶甄

聖人事事皆稱先奉以化民誠如神更咨守土吏桀驚何由馴聖諭廣訓在起化此大鈞朔望宣讀宜諄諄

第十一章

皇上迪光敦本念宗室止許供職宗人府陞轉科道仕途稍隘已未奉諭准以六部官用且許蔭生及年引見甲子倣乾隆丙寅例惇敘殿設宴聯句

御製詩恭依

高宗純皇帝韻皆推

考恩以彰盛典爲若木華第十二

若木華生天家推恩本支寵有加廣殿肆筵遵令典湛露灑  
滋縣瓜詩歌旣飽飽仁義勵以器識期望餘俯念宗室仕途隘  
推廣擢用咸拜嘉咸拜嘉恩無涯

第十二章

皇上孚惠均禧歲錫春祺一隅小胄蠲賑兼施其麗不億上年  
特旨普免積欠振古未有惟本朝

聖

聖相承有此大恩爲天下樂第十三

天下樂周廣莫皇澤如天真溥博元正吉朔普錫祺首俾萬國  
生意綽或展賑銀米加給豐濟約或借牛具籽種與口糧資之

日用踰常格寬大詔數行一日東風噓橐籥三省被賊過兵各  
地方正耗丁糧分與豁稅有定額猶恐吏取盈關津加恩圍取  
薄歲減盈餘數百萬歡騰商賈遍行腳偏災屢截南漕留川米  
津門江國同飽嚼此皆天庾之正供肯爲小民口食費挹酌窪  
地正賦減有差畿輔喜色生耕鑿更有旗租七十一萬民欠多  
詔與全免停追索陪都官有借俸兵有借項非無著又有戶部  
莊頭草米多未完追呼在在關民瘼

帝省陵衛仰前光弓劍所鄰要咸若詔下本年全蠲除幽岐頌  
聲滿寥廓此類悉數不能全九重恩洋臣言略況逢慶典恩非  
常積欠普免漑六幕軒轅以來史未書

先帝

今皇繼述作日月重光海重潤大清萬年天下樂

第十三章

皇上稽古永年學有緝熙奎章富有謂不敢上同

聖製十二年爲一集以八年爲一集而

御製三集成適值

聖壽六旬

皇極敷言斂時五福五福壽首理相連也爲雲章倬第十四  
倬彼雲漢爲天之章吾

皇萬壽睿藻琳琅聲音之道與政通

聖人立言皆大綱辟雍講學發經旨大學明新宸衷慶闡發教  
思永容保義文後聖還相望

帝撫辰二十四氣調陰陽



帝察地皇輿樂府周遐荒回部準部盡羅列用述考績陳開疆  
帝法

祖巡盛京詩謨烈念不忘

帝經經尙書左傳精意彰

帝緯史陳迹本末周干霜

帝明道義利之辨嚴大防

帝知人才德之論明激揚

帝格物順時授政兼耕桑

臣

如窺管如望洋言天賦海苦不詳

稽古永年其道臧衛武九十何足方後天不老顏書房

第十四章

皇上春秋謁

陵耕斂兼省補助並施仁孝之理本相因也翠華南蒞喜色洋

溢歡聲鼓盪旣酌免正供分數又給兵丁治道賞銀戊辰巡視  
淀津甲戌幸五臺皆先期降旨免六龍經由及駐蹕地一郡應  
徵錢米又以士民夾道歡迓誠悃可嘉豁免積欠爲屬車雨第  
十五

屬車行塵不生雨師前驅先爲清歡聲頌聲西北遙同聲屬車  
自携雨渥如春膏膏春耕或蠲積年逋或減今年征七十二淀  
安且平五臺佛日溫且晴燕趙汾絳草木爭向榮

帝車撫軾鑒汝誠推原新仁由舊澤求圖事事循章程吳越父  
老聞之相告語

先皇六巡恩波宏願我

皇上萬年鑾輅循前轍迨我子子孫孫世世長歡迎

第十五章

國朝幅幘廣大三古以來所未有

列聖道裕懷柔理藩院所統爲旗五十有一

皇上纘服綏遠蒙古久在臣僕之列歲時與宴從獵木蘭朝鮮  
暹羅朝正歲至琉球恭順天文遠賁賜以

御書廓爾喀在衛藏萬里外喚咭喇遠隔重洋貢程踰年始達  
皇上寵加優賜農耐國長阮福映呈進安南遺棄昔年所受  
天朝勅印擒獲海洋通賊申盡款附賜封越南國許其入朝慶  
祝爲萬國來第十六

萬國來陪列仗口外星羅五一旗木蘭侍衛野布帳忠貞世效  
臣僕兼列第京師衡宇望情聯戚晚世系延直與兒孫同輩行  
一從聲教到無雷包絡坤輿入輪廣嘉慶元年以來諸國次第

至者睚眦且萬狀職貢圖中各補入敬貢壽佛壽無量佛國皆  
來同琛獻前後藏從古史宸誇爰閭無此賓服

皇風鬯無論新舊附

帝曰皆

天與

祖與

考貺百國聞之各相語

天子仁孝今在上

天子萬萬年萬里以外雁臣長內向

第十六章

皇上矜愍庶獄郡國所讞司寇覆勘奏上情有可原必與生全  
況二十四年中一值紀歲開甲兩值慶典停句共三次本

祖

宗舊例而仁術敷宣和氣洋溢迓淑迎年貞恆契合益茂而嵩  
爲民懷愉第十七

民懷愉游唐虞禹車湯網前揆符

至人心鏡照覆盆年年察獄寬其辜甘霖偶未沛減等俾之蘇  
今年上春恩旨敷秋霜忽作春露濡內外各犯蒙堯宥輕重分  
別施恩殊秋審暫停旬八垠各覲嘔

聖人御世定刑措囹圄空虛一犯無

第十七章

皇上不寶異物特免回疆採辦大玉免回民增納金考竹書載  
舜受白環神禹之世且梁州貢璆揚州貢瑤琨矣蓋非但三代  
後有天下者所難能也已已及今茲己卯慶典再舉宣諭禁進

金玉爲

皇心一第十八

皇心一六合均深宮求莫通八夤所寶民與賢與豐年區區玩  
好何足珍大清幅幘之大古所無山海百貨梯航陳同疆進玉  
本歲例

帝恐累及吏與民萬里息肩走相慶役車其休由仁綸生堯誕  
舜逢嘉日念爾百官忠愛無由伸無已詔增頒冊數亦宜體製  
先茂醇不貴異物風俗儉不爲浮說文體尊大哉

皇言千禩遵中州之農大喜相告語小人尙有曝與芹十年一  
獻乾清門我知吾

皇不我嘖

第十八章

皇上以歲豐人樂爲瑞於外臣獻白雉特宣此意視漢人專以  
天馬來芝生鼎見薦告郊廟者相去霄壤

御製熙朝雅頌序貴八旗作者涵濡

祖恩

考澤爲名臣爲碩彥不徒貴其詩詞之美今之獻頌者當知體  
要矣爲曼壽徵第十九

曼壽徵勤敬恆如日月如山阜岡陵如山如川如松柏承

聖壽增

聖德與並增

皇帝益兢兢浮詞不可獻上瑞不足稱宵旰不敢逸功德不敢

矜

帝喜四海仁壽登曰

天所錫曰

祖與

考所憑勤敬恆曼壽徵

第十九章

皇上於書福聯句發明福由德致之理深切著明注中以

聖躬受福優渥歸本

昊蒼眷顧

祖

考垂慈尤永綏福履集慶綿延之明徵也爲貞符合第二十

貞符合

天心符



天啟

考心

祖密俞繼德堂額

考手賜付託得人吉有孚惟德爲福基命意兩字臚

帝年十四承眷注奉命進酒爲親娛乾隆庚辰十月初六日吉  
辰御園誕

聖初是年元旦親繪歲朝圖題曰以迓新韶嘉慶凡六字先天  
吉兆真權輿越六年詔建儲並賜紀年寶號曰嘉慶

天人符合信矣乎傳器並賜福先後揆一德爲樞洪範福以壽  
爲首萬有千歲歌樂胥萬有千歲歌樂胥

皇上躋敬古所無植繩抱表八極腴祥源源萬葉俱淵泉時

出滋康衢泰鴻合撰符貞符 第二十章

皇上六旬萬壽恭紀原壽上下篇

謹序

嘉慶二十四年爲

皇上六旬萬壽受釐布闔之歲乾亨坤慶中外禔福歲前已沛特恩普免直省積欠元旦憲章

列聖逢國大慶格於上下推恩錫類舊典神人咸秩與五旬萬壽同由是積算至於期頤萬有千歲無不同臣鑽仰高堅推測萬一竊以爲道之大原出於天天人之際理微機捷人本乎祖祖孫之緒道通神貫而父子相承一氣一體尤浹洽而無閒用敢推原

皇上之盛德大業所以壽

聖躬而躋八埏九垓於仁壽者實有繫於天人訢合之至理不

揣檇昧謹爲文二篇

臣

吳嘉拜手稽首以進

臣考聖經發明天人之際者莫精於易與洪範易大有之上九曰自天祐之吉無不利豫之象曰先王以作樂崇德殷薦之上帝以配祖考言德格於幽明天與祖考皆享之洪範曰皇極之敷言是彝是訓于帝其訓明九疇錫自天則五福可知矣道在君人者敘倫建極以承天受福也然則我

皇上福壽於何受之曰受之

天受之

祖與

考也方我

皇上聖學早成躋敬若性

高宗純皇帝遵家法不建儲願以爲天下得人事體大關睿慮  
早且久乾隆癸巳卽以

皇上御名通誠青壇以他日傳器請又於癸卯詣

三陵時請於

祖惟

天與

祖默鑒我

皇上能憐

天所覆能成

祖宗所創垂畀以溥海內外兼畀以曼福大年乾隆庚辰爲我  
皇上誕生之年是年元旦

高宗純皇帝題歲朝圖曰以迓新韶嘉慶是生堯誕舜之初仰蒙

天牖

考衷定億年紀元年號

御製敬題斯圖詩云全圖徵吉語兩字肇先天又曰感深末由報勤敬弼仔肩

臣恭繹詩意

皇上受之不敢康而今日之豐亨豫大升恆同乎日月蓋出前定

皇上的初元受璽

高宗純皇帝賜居長春仙館

世宗憲皇帝賜

高宗純皇帝所居也

聖人復以居

聖人且

聖誕在小春額曰長春不徒信

皇上之肯堂肯構也兼錫以京垓之算矣乾隆乙巳

高宗純皇帝行藉田禮命

今上隨從播種是不徒信

皇上之肯穫也兼貽以綏萬邦屢豐年之慶矣親政後簡將帥  
奏報必實

廟謨百勝酬三年訓政之勤慰盼捷之心天章紀事猶以因循  
自咎

皇上不敢以耆定爲功然

天心輔德捷於影響所謂戰則克而祭則受福者也由是辛祈  
亥藉一誠闡繹歲穰億秭夫置器者置之安則安況萬年有道  
之長固五德相承遞嬗之大器也

天以萬國九州之大器授我大清象賢傳統至於

皇上

祖

考之愛

神孫

聖子固與

天同量也



天心以八垠豐靖爲量

祖

考以萬業顯承爲量本朝家法秋獮歲舉兼習勞練武柔遠諸大端往者壬戌六龍甫蒞山莊之日三省蕩平喜音適至惟

祖與

考默相念典之勤如此此其尤大彰明較著者也孔子稱舜之大德極之位祿名壽之必得引詩曰受祿於天臣得援此以證皇上洪祚曼壽之所由來範所謂斂時五福用敷錫厥庶民易所謂大有上吉自天祐也昔

聖祖仁皇帝題額賜

世宗憲皇帝雍和宮圓明園皆有五福堂

高宗純皇帝慶得元孫於景福宮題五代五福堂額發祥作求  
烏赤未艾

列祖貽穀之遠

聖父翼

子之顙非有所私也

天所福壽在

皇上

列聖同

天而已同以成化億齡者壽

皇上聖躬以永綏厥成也

臣

之愚於易與範徵之於孔子引詩

徵之尤於

聖謨徵之

皇上於武功揚疆宇靖河堤成海道久八表三登漕運順利皆歸功

天貺

祖茔

考眷此固

皇上之謙德盛而弗居抑亦元符之臻神明謁款世哲於昭垂統易繼篤祐在茲理不可易也信乎天人之際微而顯大而允也

右上篇

臣  
恭讀

皇上書福聯句詩

御製句云福由德致凝悠久德自福基衍熾昌與易與洪範相發明此溯源竟委之至言也

皇上福壽誠受之

天受之

祖與

考矣而實

皇上之德孚心一有以仰悅

天心康

在天之靈而凝承孔厚也從來人情無不愛其子者願自卿大夫以逮士庶人所愛必克家之子然則

天之所保定與

列聖之所眷佑可知已

皇上躬膺

天篤所其無逸先行後言

御製勤政箴勤政殿記皆自道敬

天勤民之實心實政於是中外官有箴義利有辨才德有論觀  
民有詩懲蠹有詩實以堯勤不倦湯敬不違爲天下倡且自卿  
大夫以迨士庶人皆有家或數口或數十口至百餘口止耳其  
貽穀以一二世計至十數世止耳

昊天

天子全付有家曰億兆民曰於萬斯年非甚盛德不足副

上帝付託之意也且

天意所重惟民耳

皇上燾育同兩大溫肅法四時非淺見所能窺非小言所能似  
謹就功業典禮恩澤之顯襮者言之精禋祈年以厚其生勝算  
歲武以除其害時巡布煦以裕其耕斂至於禹水湯旱陰陽之  
沴古皇不免先事則飭大小吏厚儲侍以備之既事則賑貸兼  
施以寬之育之截漕糧散太倉之粟以濟之若夫甘霖時玉通  
虔迓福意美恩洋盛矣況祀典莫備於我國家雨雪之所載在  
禮官惟祈晴則創自我

皇上蓋凡可以爲民援手請命於

天者無不汲汲也

皇上敬民之天以敬

天農綦重矣

列聖無游觀之好靈臺靈囿皆爲劭農軒曰多稼堂曰耕雲由來已舊惟省耕別墅則創自我

皇上一園圃之命名而法

祖勤民之意昭焉大清幅幘遼闊亙古未有然昀昀禹甸春麥秋禾上充天庾下給蒸民含哺鼓腹長其子孫不能保無荼蓼之生也

皇上籌運九霄燭照九地師飽而騰皆子弟兵所向立定憫恤無辜搜除餘黨嚴禁株連惟

皇上敬

天用能體

天心之仁愛以仁壽天下之民每歲秋官覆核直省所議次第奏列

皇上於法無可貸之中尚求其生所活無算又每一讞上

聖心斟酌律意權衡案情允執厥中廿四年來兩次萬壽一次紀年開甲停句者三

上天好生

列聖慎重人命

皇上率由舊章推恩加膏海隅太和生意洋溢野多耆碩有年及百歲者踰百歲者有年九十見五世一堂者迺知

天之壽我



皇上非私於

一人也壽

一人正以壽入表俾凝悠久衍熾昌庶黃童白髮世世游於仁  
宇壽宇焉

皇上生之成之富之教之闡經正民興之旨以明道解惑命頒  
高宗純皇帝所定通禮以齊民心一風俗諭守長朔望爲所治  
宣講

聖諭廣訓俾芸芸熙熙壹志聰聽

皇上深宮表正昧旦跪誦五朝實錄精一傳心羹牆如見孝思

維則億載永言館

臣

恭進

高宗純皇帝實錄一千五百卷

聖訓五百卷方恭纂之初書法親加閱定積日周覽敬誦敬繹  
時宣示微旨以彰

聖人致太平所由我

祖

考以

上天之心爲心

皇上以

祖

考之心爲心紹衣德言仰孚日鑒且大清以國語騎射爲重根  
本斯在

皇上三令五申周咨臣僕惟兩端爲要祇謁盛京瞻拜弓胄衣

椅綢繆舊俗土壁葛燈口詠心識益念艱難寶惜天產以藏富  
於民孚惠均禧首洽陵衛舊京官有借俸兵有借餉先與豁除  
邠岐懽忭喜色接天

烈祖顧而樂之益降之福不圖惟是御極以來內則減關津稅  
額近則免戶部莊頭欠納草米外且遠則免回民采玉貢金而  
內帑之數不稍缺乏兵事河務不惜億萬始和之錫祺儉歲之  
覃澤積久有加焉乃至普免天下積欠則自開闢以來惟兩朝  
作述有之又酌免內外各官應賠應繳官項恩大用舒美矣善  
矣夫詩書所載陳典作頌或筆自史官或獻自親臣惟

皇上襲六爲七皆出手翰咏二十四氣堯典之授時也咏皇輿  
周入極禹貢之則壤也展禮

步學二五集 卷一  
三陵於二十四年中已再舉矣往返各數十日乙丑得詩百有  
七首戊寅且百三十餘首多敬次

高宗純皇帝韻又繼盛京賦作頌七月之陳土俗篤公劉之述  
先澤也咏尚書左傳下周全史本末四千年治忽雲倬星列視  
書無逸一篇僅數殷三宗詩大雅文王有聲八章僅稱禹績何  
如也由是衍世澤以興賢能恩科三舉福履方長將繼  
高廟二十七次而未已育才也推

祖恩以篤本支依乾隆丙寅例宴惇敘殿聯句許宗室應鄉會  
試天潢之英聯袂玉堂廣宗人府仕路準以六部官用許蔭生  
一體及年引見厚本也奉大猷以柔遠人丙辰以來外藩入貢  
者睢盱萬狀續入職貢圖前後藏竭誠祝嘏貢無量壽佛農耐

國長阮福映呈繳安南遺棄昔年所受天朝勅印擒獲洋逋申  
盡款附賜封越南國許其入朝慶祝蒙古五十一旗久列臣僕  
年班踰濟與宴從獵其居京師者望衡對宇得附婚姻世系絲  
延與兒孫同輩行朝鮮暹羅朝正歲至琉球尤爲恭順宸翰特  
頒廓爾喀在衛藏萬里外峒咭喇遙隔重洋貢程踰年始達瞻  
覲龍光歡喜無量蓋

天與

祖

考必使薄海內外胥登春臺以酬

天子之仁孝恭儉謙德恆德而後暢然而愉快也我

皇上畏明威拜嘉貺福益大壽益增心益下不貴異物不侈休

徵惟以歲豐人樂爲上瑞於獻白雉特宣此意己巳己卯兩次  
壽辰預戒不得貢金玉大哉

皇言一哉

皇心所以凝承百福者於斯爲極是知言天人之際者必徵諸  
聖人有道之朝而後其微旨大著於天下萬世之耳目我

皇上所以壽

聖躬而躋天下於仁壽者其憑依固

聖德之自爲哉

右下篇

聖駕東巡盛京祇謁

祖陵禮成恭紀八體文三十二首

謹序

皇上御極之十年道洽經正軌順恩隆八圻圖輯

聖衷虔輦淵思靈佑歸善陟庭謂孝道莫隆於迪光家法莫重於追遠祠官震悚考憲修職潔鬯升薌覲饗珠邱兼用肅祇羣神巡靖黎頒上暢下沛受厚福以貺宙合

天人歡浹羣臣作爲文章敘述功德

臣恭讀

高宗純皇帝盛京賦

皇上盛京頌敞謨烈誦慈孝畢具本末理精意醇襲六爲七斯二體非愚賤所敢撰擬

臣

謹溯漢以來詞家文類得八體檇昧

無學邁懿鑠竭思慮共得文三十二首且序其意

臣

考漢京樂

府有上陵篇鋪揚瑞物芝草醴泉

聖訓煌煌戒言祥瑞畧效其體道報本至意爲

上陵篇第一仁人無敵戎經致果一旅造邦拯民水火繪之丹青非張征伐百戰河山緬勞弓鉞爲戰圖贊第二陪京隆隆爲皇都翼山川風物

郊壇

宗祏宮殿庠序旣齊旣稷披荆翦棘成勞是憶爲陪京聯珠第三思艱習勤世業共肄原臚土甘

列祖之賜太平日久恐竄職事請述家法告民與吏爲國俗箴第四合符釜山權輿軒轅播諸示言夏諺最先休豫之歌洋洋盈耳聯袂輦路語不芟俚爲東巡諺第五乾隆戊戌



聖有謨訓根本所在跡遠仍近深居簡出艱難罕歷景往勅幾境履乃旃爲聰聽彝訓說第六佑啟無方剿賊機順續武武成告功告慶

聖祖

神孫不戒而孚一德同軌

天示珍符爲告慶典引第七劉勰有言表道政事陳奏宣讀利用駢儷摺笏封囊志敬詞實鉅典受釐臣職珥筆爲擬羣臣恭

賀謁

陵禮成表第八臣肅謹拜手稽首以獻

上陵篇三首

上陵何美美

橋山運所啟啟運之山峻極於

天

天作長白山三江茲發源其東有池

天女來降輶朱果明於霞吞之誕

聖人

聖人生能言遂定河步亂三姓奉

至尊數傳徙橫甸疆理成溥原

四祖世篤慶根大枝葉蕃長白一幹來矗立隆恩門億齡薦清  
酤佳氣溫如春上有神榆樹壽大於大椿

上陵何美美一山作天柱萬山朝穀林萬年蔽風雨背倚興隆  
山渾河如帶環出有三極參水有珠與玉藏日月沐浴其間我

大清億齡來薦芳八旗

帝親建黃紅藍白鑲忠貞保富貴

祖德不敢忘從

神孫來翼兩旁載柅升明棨六龍雲中翔下視海宇清永永慰  
所望山高百昌阜錫福長未央

上陵何美美巖谷青綿綿名山峻萬巘至此平如川宏做羅萬  
象欲包垓與埏尊陪

方澤祀禮與寶祚延登隆業山饗隆恩殿牲柔犧剛兼俎芳薦  
桂簋肆陳椒醑三奠雲霞捧黃屋

神旗僂如見鹿角之椅昔所憑手澤未與龍髯升朱絃翠羽虔  
弄舊京大白小白旁立無聲旁立無聲海隅永清我

祖錫福

神孫薦誠萬方萬年橫庚儀庚

戰圖贊一首

惟

天之道並用柔剛和風怒雷春露秋霜惟

帝則之綏靖八方仁育義正道不相妨干羽誕敷弧矢以匡不  
嗜殺人取殘拯良穢之青史奠乎軒皇涿鹿三戰功成垂裳後  
來桓撥詩頌殷商三千虎賁周武鉞黃治亂侵尋自漢迄唐宋  
金元明後先相望各有武功莫能頡頏繼志無人前烈茫茫大  
清

高宗含宏道光太武十全宇宙平康拓地二萬式擴新疆歸功

成謨實餘以慶造邦胥宇艱難備嘗戎衣撥亂苞蘖手攘不有  
丹青曷覩其詳畫績逞藝照曜縹緗百卅四圖金玉其相用示  
億禩知難而獲在明之季朝政不綱督兵大帥智短氣恆猶數  
十萬金鼓趲趲

天厭明德篤生武湯

太祖受命珍符告祥兼智仁勇慮定武揚首征棟鄂兵力已強  
十三遺甲百可一當斬諾密納背盟不臧威令風行莫敢撞搪  
葉赫九部搆斃取殃古埒山前地險勢昂百人挑之敵走而僵  
斬級四千柴河塞旁軍威大振敵走不遑興師伐明正正堂堂  
非利其土仇不可忘書七大恨告於

穹蒼六師將進夜雨忽滂懈明將心俾不我防晨圍撫順采入

其障執人諭降彼不敢猖三城悉下直涉其隍降民千戶給牲與糧

太祖造基功蓋百王戰薩爾許偉烈益彰

父兄子弟志同力襄兵不滿千當者皆殛敵人縱火燎原焰翔天心助順大風驟颺煙塵反撲敵人徬徨火器蔽空止以自戕我矢如雨集射天狼如虎如貔如驅羣羊尸相枕藉遁者偃偃宿將健卒一戰盡亡惟

太祖武身歷戎行戡定反側爲將卒倡遂立八旗有正有鑲以勦勁敵薶茶拔藿

太宗因之鴻業大昌朝鮮蒙古玉帛梯航百戰孔武淨掃欃槍臨城不攻懼將卒傷仁以輔威大恩洋洋松山杏山親秉牙璋

明十三萬如當車螳晝夜疾馳往遏其吭列陣擊之戰鼓聲震  
彼膽已落我兵洸洸塔山逐北奪其積倉分遣伏兵山谷可藏  
度其必遁知其已創十路截擊四面網張機宜悉合如神明勦  
圍大凌河兵無缺折敵再縱火其勢甚狂霖雨大至風反土囊  
敵又自焚四萬兵殤

聖人武成巍功煥章親臣勲臣皆國棟梁

天與千城才富天潢蕭曹房杜並產帝鄉大白小白力倍驍驍  
汗血之勞像形崇岡百戰全功皆

天所將迨我

世祖履道康莊入關翦賊所至壺漿丕緒創承億齡未央開國  
勤勞炳炳煌煌古耆繪功臺閣旗常況我

祖

宗功不可量河山瞭然力戰之場

高宗作圖以示久長思艱謀永無怠無荒俾萬萬年鞏基苞桑  
小臣舉實不擬長楊

陪京聯珠十六首

臣聞隩區福壤作山所以經營澗東瀍西察地所以疆理是以  
吳絳宅

聖右醫閭而左白山神樞造邦前滄溟而後黑水

臣聞三年成都黎頒從於烝乂百雉定制保障貴其實枚是以  
東京盛京繼興京而三城鼎建天命天聰象天風而入門洞開  
臣聞龍興肇迹天地交贊大勳燕翼垂休豐鎬並修太室是以



圖上

方澤仍舊制於發祥之鄉肅

廟雖宮薦新薌於省方之日

臣聞征法告於昊穹開國儀具苾芬陳於戶牖陪都禮隆是以南郊已歆更饗

帝於尊嚴之地東巡初蒞特脩

神於清園之宮

臣聞太微象呈西京敞端闈之度章陵鬱近南都煥連閣之光是以爰闢會極於日下殿陛存址於瀋陽門啟大清題文德武功於雙掖殿稱崇政觀飛龍翔鳳於兩廂

臣聞材不究奇掖庭所以崇儉制應列宿環宮所以御休是以

日月配儀已發祥於胥宇睢麟署宇早表德於貽謀

臣聞韜鐸之設上善若虛冠服之制舊章無改是以置木鉞砌求諫知諮度之周勒碑箭亭從先觀訓言之在

臣聞建官體國內外相維立兵啟疆奇正互用是以五部旣設率屬而稟

皇猷八旗斯張同澤而扶

帝統

臣聞周勳未集已論鼓於辟廡漢治旣昌僅設署於金馬是以黷宮釋奠造草昧而敷文傑閣藏書連幽岐而肆雅

臣聞大觀所極業莫盛於耕桑至德所孚險不資夫山海是以鳳樓攬景薄海歸幃覆之中雁塞依光留都在巖關之外

臣聞其球所會王道樂其蕩平杠梁旣成師行增其歌舞是以榆塞之塗竟坦

祖德勤而疊道車通柳河之潦無虞

考恩布而長橋虹吐

臣聞國無棄地閒原於馬政爲宜農有暇時游獵於武備易善是以大凌宜牧驪駟儲天廩之才海城喜畋弧矢擅戎行之選臣聞狼麋之獻周置官以司海岱之饒齊得鹽而裕是以美資冠服捕貂之戶較多地近

橋山煮海之才不賦

臣聞天必因材滋上腴於大國地不愛寶貢奇物於隩區是以刷參採珠望佳氣而識珍奇之秘網魚陸鹿邇

神資而欽博厚之儲

臣聞索綯乘屋王業之艱用陳造舟爲梁人力之巧可識是以舊俗之周斐拉哈作堵多方吉林之法喇威呼行地最利

臣聞帝出乎震動百物而首莅神瀛日生於東行八極而先臨暘谷是以氣得春者早滋榮居近

聖者普受福瀋陽萬井依姚墟而惠有孚遼左諸州耕禹甸而租屢復

國俗箴一首

古皇持世莫先成俗

祖

宗家法爲天下鵠吾

皇御宇不貴華縟萬幾其勤以調玉燭請誦  
祖德爲舊俗勛昔我

太祖雪後行圍擷衣而行慮雪未晞左右私語  
上惜一衣

太祖莞然溫語曰非儉爲美德毋曰物微

太宗紹衣以儉德帥謂衣一緞可十布值十布十衣於汝大利  
護軍以下衣限以位毋以黃金飾爾鞍轡

太宗崇文振興宮牆習射備武

聖諭尤詳諭王大臣遵循典章衣服語言舊制不忘毋效漢俗  
而改故常

高宗繼德勒訓貞珉御清圍宮受胙於

神葛燈土壁制仰

前人器惟求舊神幔勿新靈爽憑依羹牆如親天章述德詩示  
五部根本之地風宜從古敦尙圖樸道非小補莫忘舊觀以導  
編戶崇政西廂別構寢殿儉素舊式一成不變維樸而安有穀  
以燕六十年中錫福以徧

皇帝嗣德不忘武備熙朝雅頌弁言示意詩以人存非詞之嗜  
詔爾八旗習射與騎爾習國語習音譯字長其子孫卽醇僞  
皇帝謁

陵閱弁言射觀其勤怠第其高下

祖訓所憑膺服心寫以篤清祜以受

天嘏

小臣作箴願告卿尹毋曰去京師遠而職不盡

皇帝燭幾惟明克允以勤以儉爲吏民準官根本地敢告不敏  
願告士民毋曰沃土可飽而業不精國家練武非曰佳兵家法  
所貴不可變更堪達漢富取攜不爭毋負地寶爲習藝呈弓用  
榆柳矢用蒿荆斐蘭鈕勘在昔稱名童而習之長乃手生箭亭  
碑在是訓是行毋曰先疇可服而用無節

先帝四巡糠燈夜設習儉從俗披章不輟我

皇繼之克光前烈九重習儉化民意切況爾閭閻可蹈覆轍爾  
求饑寒絲粟將缺毋近尼堪樂其語易而苦清語之難

祖

宗立法億齡不刊清語生疏將罪是干汝實暴棄曷以自完上

稽

祖制定居勤止忠厚開國舊京俗美恭誦

聖訓勤求上理達孝推恩敦篤桑梓勉旃國人媚于

天子帝里敦龐爲八方始

東巡諺十首

刈禾而歌兮三輔之農吾

皇春秋謁

東

西陵兮歲減我正供茲修曠典於興京兮恩意濃十之三廣爲

十之五兮益吾蓋藏於三冬

其一

納稼而歌兮瀋陽之民

皇帝來兮候已秋而氣春寬所過租兮俾半蠲

丹陵禮成兮復貸及明年



皇帝萬年兮福祚永延

其二

釋耒而歌兮天家之佃戶兮吾道

不償

帝不吾懲恩又溥兮寬吾積逋敢恃恩兮利我耒耜督我子孫

兮勤業以食報

至尊兮

其三

依豹尾而歌兮吾儕世僕執事於蹕途兮吾有常

祿達率推恩兮賞一月糧載而歸兮婦子樂康

其四

依豹尾而

歌兮扈從之兵丁

皇武靖川楚兮四海乂圖永不徵兵兮太平億齡從

帝來兮樂何如歌且舞兮行宿安舒軫吾勞兮與一月糧載而

歸兮婦子樂康

其五

囊弓矢而歌兮山海關之兵丁中外一家

兮巖關如戶庭

皇帝謁

陵兮禮成恩逮命官考典兮將大賚安不忘危兮習射吾隊酬國恩而秉

祖訓兮千萬歲

其六

橫經而歌兮青衿如雲昔

太宗勞於戎馬兮已立學而右文

高宗建學上塞兮又惠之以四庫吾

皇循典而播澤兮廣弟子員之數從儒官而詠仁兮聯袂輦路

窺管而誦德兮曾何當於萬一文錦出內府兮鑒葵心之向日

願陳臺萊之雅兮祝箕疇之逢吉

其七

脫赭衣而歌兮大禹車

下之人不率教而罹於罪兮自負

皇仁秋官執法兮

帝憫其愚禮成澤逮兮寬其誅當誅者減等兮其次釋勉爲善兮承

聖澤

其入

扶杖而歌兮舊京耆老受粟帛於兩朝兮恩浩浩十

三年前兮瞻雲日之表欽

聖

聖之相承兮頤吾年於久道

其九

邂逅而歌兮皆

聖人之鄉人歡遍里社兮惠浹比鄰接襁而道曰澤於我偏從臣憑軾而語曰汝來前汝知

聖人之無外兮合八荒而沾漑汝長汝子孫兮

帝再來兮福汝未艾

其十

聰聽彝訓說一首

臣考之書曰聖有謨訓明徵定保又曰聰聽祖考之彝訓古帝規模宏遠先行後言峻語天臨大謨汗渙其繼世者守器保世享國綿長必其紹庭紹衣如初受命而後中外蒙福爲元宰所祚也大清陳常時夏

列聖相承昌言典則充溢史牋冊府

高宗純皇帝考古酌今道兼創守所降訓詞執中用中罔非致治極軌而於雲雷建造霜露沾濡溯艱辛大業擴繼述孝思尤深切著明焉蓋大清得天下最正發祥之始尺土不階亦較殷周之先同爲帝子受爵唐虞者啟基難易遠甚溯自俄朵里城徙居橫甸櫛沐風雨宣畝東西

太祖

太宗武義璜璜披堅執銳赴矢石以征不憚用少勝多履危能安風雲聽命固曰天授神旌所指不其艱哉

世祖初定中原鼎新制作未暇往饗

丹陵

聖祖三覲後復命

世宗由潛邸代往適孝昭來汪汪乎丕天之大律也

高宗宣亮洪業念八徵而全十武拓地二萬里日照風翔至於重洋爰閭畢會乃泝孕虞育夏甄殷陶周之原四省高山矜饗幽宮履武景徽次

皇祖韻之作聲騰實茂烝烝之思浹洽幽明蓋我

純皇帝之聰聽

祖訓如此方

純皇帝三謁禮成時特頒明訓謂後世誠能處尊位而常緬前勞必知守成之難兢業勿墜又謂境之履者益以習蹟之著者益以晰大哉

聖言足以模範萬禩

皇上親政以來剛柔張弛恪秉家法茲者崇祀

原廟考禮行慶皆乾隆八年舊章迺詔嗣後再舉謁

陵典禮著派皇子隨從俾知報本追遠至意至

陵寢宮殿此次特發帑金派員修理嗣後每閱二年簡派王貝子貝勒公暨大學士尙書等前赴查勘皆前志也黃城敕幾周諏詳度於奉天五部司員求銓選之當焉所用權與戶部所用

定畫一之器焉所屬州縣於滿漢人酌兼用之例焉吉林遣犯日增議善處之法焉關外郵政頗弛審責成之專焉創參一票五人則姑試之盛京吉林黑龍江旗員葬銀碑銀定由本地給發恩意曲盡行營閱射弁兵均得獻藝竊職者情亦不掩夫此八旗勁旅開國教養之遺神區禮成陪京武肄益匪淺鮮所謂履境乃晰者如是矣皇哉

聖訓之不可易而我

皇上聰聽之徵於是較著且夫精禋祇饗至誠也省斂問苦至仁也簡蒐軍實至勤也式訓光烈大孝也非一事一時可布指肘而知尺寸也我

皇上自丙元受璽充仁躋敬以億載爲量以萬邦爲量淵誼峻

德不可窺測惟寶訓昭布炳星倬漢可得而言小慙不靖守長  
失教經正民興偕之大道於是有邪教說稱職任事敬怠在心  
先皇題額微旨可尋於是有勤政殿記明察天地爲民祈福高  
卑禮同一誠洞屬於是有

南

北郊記黃緣者進勤職者紬愼重計典以昭陟黜於是有京察  
祛弊之諭典學單心闡繹經訓通達微妙貫乎爲政歲御經筵  
立說以證習勤秋獮讐言不行

祖制之延奉守不更吏蠹民瘠弊政已久首戒貢獻以杜藉口  
官方所由肅也受諫聽言戒舉細故言瑞啟諛其端宜杜政途  
所由飭也東南財賦民病於官申戒牧伯宜察弊端漕政所由



清也軍行經由偏隅水潦蠲賑億萬不待入告民力所由裕也  
內外刑書執中以權情理之至無縱無寬刑法所由平也騎射  
家法督勵旗員命實軍伍至於瀛壖軍氣所由振也惇篤本枝  
敦葦以茂宴惇敘殿以厚之崇尚文學以端治本幸翰林院以  
寵之智燭契符事機順利籌筆百勝七年賊刈九有圍謐仰慰  
盼捷之意神颺助順洋匪百餘艇簸擊自殲治河奠工惟斷乃  
成睿謀既協奔走百靈風雨夜至長堤自合鞏固億年閭閻康  
樂

皇上翼翼小心示訓循軌兢業肅祇歆於

天

祖百度惟貞而四海受福也憲章著明湛恩龐鴻勤勤懇懇以

荅

列祖垂裕荷衢提釐於億祗宜哉

告慶典引一首

臣考之漢司馬相如曰天示珍符固不可辭孟康曰天道質以符瑞見意明人君功德休烈歆挈三神則瑞物至夫乾珍坤符端倪軒豁非景星慶雲甘露黃龍芝草醴泉之謂也聖主纘緒式典經緯萬幾德嫔七廟事機湊泊典禮浹洽祖孫同軌天卽事以示符合文獻可徵豈不懿哉大清之德崇厚曼羨泉逢風翔世德作求

皇上堯表舜質道潤金璧冲齡典學早受慈眷

高宗念寄託之重爲天下得人豫禱

靈貺癸巳以

皇上御名告於

天癸卯告於

陵是年

皇上侍焉從觀實勝寺西閣弓鉞遍撫清園宮舊跡

高宗固知

列聖俞所請以億齡丕基屬

神孫旋命奉冊寶尊藏盛京我

皇上既御宸極宵旰幾康篤念締造勤勞淵懷企慕十年於茲  
廟謨決勝七德洪懿澄氛圍樞於穆翕應海宇肅清濯沐潤澤  
旬要一體同我太平練吉日饗

神臣衍修前典上告慶也 考

太祖天命元年歲在丙辰

高宗與

今上初元皆如之堯辰舜丙見於前史此國家傳祚與放勳重華濟美配德之大驗也又考

太祖取廣圍拔撫順違眾議建都瀋陽增四旗爲八旗永遠拱衛在天命十年乙丑我大清創業東方木德先旺紀年在乙合德乘運丑爲地統承天資生中貫三才歲紀大順

太祖以乙丑建都

今上以乙丑莅陪京踐武繼迹同德合轍

天於歲紀支干示先後一揆明矣且十盈數也周易數成於十

漢許慎說文云十數之具也一爲東西十爲南北而四方中央具矣

臣考

太宗天聰十年諸貝勒以察哈爾舉國來歸且得玉璽上應天心下洽眾志偕外藩上

寬溫仁聖皇帝尊號乃告祭

郊

廟定國號大清是十年爲

太宗受命之年

仁皇帝又以十年謁禮

鼎湖天聰丙子建號康熙辛亥與茲乙丑兩次初巡皆以十年  
恰符盈數

聖衷沖挹處盈若虛而紹無疆之新命履

祖武以省山萬國盈圖梯航具集之象歲紀兆之

昊天有成命矣所以祀典旣成受釐綏福東南疆吏以秋汎安  
瀾洋匪歸命郵聞行在豈非

天人同德

祖

孫合揆之明徵哉睿藻敷陳述勞績感慈恩陟嶽降原追念昔  
時扈從之景孝思愈篤夫典莫大於祀莫彰於

天人之際莫光於創承之間臣用敢引而申之恭卜大清享國

悠遠億萬年未艾若漢班固誇元符之臻而不詳本朝感召之

實

臣不敢也

擬羣臣賀謁

陵禮成表

伏以平圃裁基，胤降叶三靈之運；神皋息馭，龍鳴應百禮之精。瞻日月於珠邱，勤勞昔篤護風雲於玉匣；誠孝今孚，貽穀恩隆。紹衣道大，欽惟

皇帝陛下功隆八九，治邁五三。會其極以綏猷，玉帛萬國觀乎文以成化。千羽兩階，辨氣靈臺。陽雨迪

天行之吉，溯源順澤。羹牆欽家法之尊純，嘏寅承靖埏而讓善。時巡申命，瞻

陵寢而升馨，憬燕翼之貽休。憑依有在，忻虎符之決勝；孚佑無疆，粵稽乾符錫羨之年。則有震位毓祥之地，揆山川而設險；地

闢洪荒度原隰而開疆人瞻紫氣產軒孕項太乙扶靈讖漢瑞  
唐林王衍緒七傳大啟爾宇

四祖載錫之光龍虎從而時亨裡牯剔而路達

太祖神樞百勝仁御三驅親弧矢以宣威成金湯而建極

太宗創承功具文武道全審敵勢而興勝師造國書而開文運  
丕基式廓偉績用張宸扉成一統之圖福宇垂八方之蔭我  
聖祖三巡豐沛推昔恩而桑梓歡騰我

高宗四省

山陵緬勞績而松楸淚灑陳艱難於稼穡疆理如新繪桓撥於  
丹青蕩平不易陟原降嶽關山皆血戰之場陳器設衣弓甲悉  
手貽之澤



皇上景仔肩之重懷付託之慈躋敬德以延磐石之堅宣武威而保幅幘之靖自癸卯鑾輿親侍傳器叨

列聖之俞暨丙辰大寶躬膺紹庭切

三陵之慕輦金甌而調玉燭十載宵衣踐郅室而朝鄴宮六龍秋駕禮從其朔白山撫長壽之榆人生於寅朱果詠初生之颺鯨鐘鼉鼓舞世德以懷恩風馬雲車降神邱而錫嘏昔勞未沫親臣上將之瑩靈契攸符

太室

明堂之祀

神畀清圖之福歆格爲昭禮兼嶽瀆之祠懷柔以徧臨十亭而下十行之詔澤帝里以迨海邦運三才而錫三事之榮先宗臣

以周藩服爵頒無算幣賚有差謁

東陵而告鉅典之成開北闕而迓純禧之茂神人慶洽中外歡騰<sub>臣</sub>等幸覲上儀恭承德意或望塵侍從親瞻開國河山或趨職班聯逖聽飲衢醉飽紀勞賜級屬車倍與榮施晉秩迎鑾記里更蒙體恤飴茶丸柏神區之祐長隆合璧聯珠吉朔之祥可紀快覩俾昌俾熾廣顯承之澤於瀛壖永占大順大同廣清宴之歌於垓兆<sub>臣</sub>等曷勝忻幸歡忭之至謹奉表以聞

聖駕東巡 盛京祇謁

祖陵禮成頌序

皇上御極之十年乙丑秋七月車駕發京師將有事於

橋山乃先潔誠以東巡謁

三陵告於奉先殿吉日維戊我馬旣同雨師灑道秋稼倍饒禾  
黍與與達於遼瀋供億皆出內帑然且免蹕途所經正供十分  
之五東瀛曦升喜色燭野歡聲四溢

皇上次第謁

永陵

福陵

昭陵莊嚴矜饗上孚陟庭翌日蒞盛京遍禮

郊

廟

堂子蕭薌升格

天人禋福祠官奔走嶽鎮告祀以徧寵賁勲臣親酌暨

賜奠均如乾隆八年例禮成御崇政殿受賀推恩布愷錫類不  
匱王公大臣蒙古汗王以下朝鮮陪臣宴賜有差詔給復奉天  
府所屬租一年貸莊頭應輸倉粟及旗地歲納米豆草束從官  
暨守土吏各賜爵一級廣博士弟子員減囚罪凡男婦七十以  
上優以粟帛精誠通儀則具恩意隆述作之事全而神人之歡  
洽矣臣竊惟繼世主器有大德者爲天祖所歆其所舉曠典昊  
緯右之示徵於其時與事以爲貞符

皇上踐祚以來大經大政皆遵

高宗純皇帝舊章以九年甲子幸翰林院復率前則篤懿親錫宴宗室於惇敘殿其大者也展謁神臯本擬如

先皇帝以八年癸亥時六師討逆紅旗捷至零星餘匪未殲專倚

廟算恐道路遠郵傳遲致稽指示展期至十年乙丑臣以爲上天啟佑我

聖主之貞符在是矣臣考

太祖高皇帝建都瀋陽造八旗皆天命十年事歲在乙丑

今上復以十年乙丑覲禮珠邱莅於盛京是

天俾

神孫繼緒昭業比隆開初而彰揆一於支幹之合也且

太宗文皇帝受命以天聰十年

聖祖仁皇帝初次謁

陵亦以康熙十年十盈數也謨烈顯承之全垓埏豐大之象彰  
明較著爾雅曰太歲在乙曰旃蒙在丑曰赤奮若奮震動而起  
也

高宗御製詩曰義經已兆帝出震易又云雷出地奮若順也

天威奮而事機順旣蒞鉅功旋舉鉅典我

皇上順時禮成不戒而孚而

天之申命者厚矣且夫寄託之重以德膺艱難之報以德慰芬  
薌之薦以德馨體微而用顯也

皇上躬侍

先皇帝四巡其時卽蒙洪慈以

御名告於

太祖

太宗神器所歸

聖俞

聖請

皇上儲德於止孝之時

列祖已享之矣親政以來戒言祥瑞禁貢獻率內外臣工以實心實政不尙虛文勅刑愼刑用中於民凡改秋官所議皆極天理人情之至發明勤政書額之意以警在位申明

天爲用地爲體功化之同以聞

南郊

北郊歆格之理告萬世以經正民興之道守家法勤秋獮重國語騎射以厚根本命充實軍伍以承桓撥之烈卽今燕喜粉榆禮洽神樂熙熙大同幔殿省章霞綳照夜祥刑惟察句到是厘周諏庶政如安吉林遣犯定關外郵政謹盛京所用權命詳議奉天所屬州縣分用旗員及曾膺民社之人咨度詳備不遺鉅細此皆仰承

先皇帝六十年之敬德大猷而綿其慶於萬葉者也斯行也不徒

山陵瞻拜之恭而重堂構之承昔日



列聖俞

先皇帝請而以大統授我

皇上者天人之閒後先之際若合符節昔唐時柳宗元張其君  
之武賦平淮西雅二首臣之愚謂雅以美功伐頌以誦仁孝歌  
詠

上陵薦馨之事頌爲宜臣謹撰頌二首一曰申命孚嘉一曰承  
乾衍慶各十章發明於穆之靈祝大業之永綿以著於篇謹再  
拜以獻

聖駕東巡 盛京祇謁

祖陵禮成頌 謹序

臣考古天子巡狩見於籍者黃帝合符釜山爲最古虞書四巡首莅東嶽旣徧用特於廟而已周頌時邁懷柔百神而武王僅一祭畢馬融以爲文王墓也成王因洛邑成如豐告文王廟康王朝於鄴宮畢之祭不再舉且雅詠邵室詳矣后稷葬於廣都之野見山海經終八百年姬宗追遠之儀缺如漢有上陵樂府徒侈祥瑞唐太宗之賢陵寢遣人代祭儀舉而誠不及矣自宋以下斯禮未廢然史所載或張儀度或道思慕其嗣君未能光裕前業亦無稱焉我大清撫有區夏實肇基於遼瀋白山曰長卜永祚也混江曰同兆一統也朱果發祥

天生

聖人而胙之九州

四祖世篤其慶

太祖高皇帝以十三甲克敵

太宗文皇帝以廿四猛士摧堅城遂創鴻業入關無阻所謂在德不在眾在德不在險也猶且觀阨居要

太祖於天命十年制八旗以爲衛奪眾議而遷都盛京於以建爲億齡權輿

太宗因之武烈益偉

世祖章皇帝遂甄靈貺席蘿圖中外一家

橋山弓劍近在陪京第以宙合甫靖百度改創未能拜穀林省

枌社也

聖祖仁皇帝履豐追遠六龍時乘

丹陵已三覲矣

世宗憲皇帝復承命代往升薌旣踐祚有事於西鄙不遑覲禮  
神臯我

高宗純皇帝加勞勛勤式擴

高

曾之宇拓地二萬里餘猶以爲我

祖

宗不階尺土百戰造邦世世子孫前勞宜念倘禹跡之不履何  
由知創造艱難身親遺緒而心畏峻命哉六十年中申虔四謁

更於三謁之次特布絲言以覽原轍拜松楸爲報本保邦極則我

皇上達孝允孚踐阼以來春秋謁

東

西陵舜慕禹巡推恩三輔霜露之悽遠周幽館顧惟小慙不靖上煩慈懷眄捷

廟謨決勝恐徂東道路遠緩急稽指授用是展期如世宗之不違也

天

祖鑒

聖衷誠孝佑啟無方事機順利七年而賊首屢獲紅旗至八年

而零星餘匪殲除淨盡九年詔下於今年乙丑告慶東巡是行也禮舉恩洽如乾隆八年之舊惟我

皇上緝熙躋敬臨馭萬幾大柄爲蒼生福禁貢獻禁言祥瑞責百官務虛名而鮮實效本夙夜不敢康之實以闡繹

南

北郊精饗真意申明勤政殿題額微旨先行後言卹刑用中司寇所上獄一經駁正天理暢人心愜揭經正民興大端予守長以成俗機鈴遵家法尙騎射闢讐言而行秋獮命實軍伍以繼先世桓撥良法美意累牘不能盡也邇者清問疾苦蹕路省方循例句到夜覽黃冊燭以霞綳蓋蒸勤矣行在諭下周諏萬全如吉林遣犯關外郵政盛京所用權所屬州縣應分別並用滿

漢及曾膺民社之人此正

高宗四十三年諭旨所謂境之履者益以習蹟之著者益以晰也蓋我

皇上至此已三履舊京矣方扈從

先皇帝東巡時卽蒙慈恩以

御名告於

太祖

太宗

聖

聖心同呼吸響應

皇帝旋奉命護送冊寶尊藏

太室膺圖受籙兆呈於此

先皇帝睿哲知人且知

列聖俞所請而寄託在

皇上矣上慰付託之深衷下廣仁孝之錫類精誠達而禮成崇  
弟宣而歡洽斯事體大非盛德孰能肅肅雖兼致愛恪於天  
人之際而錫福祿於垓埏之外乎臣之愚何足仰窺高深遭際  
昌辰歌咏盛典尙思罄其技以求當於萬一爰作頌曰

天眷大清

聖

聖軌同報本家法追遠禮崇

帝出乎震日生於東翠罕所指休光隆隆

其一

休光隆隆五雲



帝鄉起布庫里朱果發祥再從橫甸地毓百昌三徙成都遼陽

瀋陽

其二

遼陽瀋陽山拱啟運神榆長春元氣醞醞

四祖所憑巖壑深隱

神孫薦馨在遠如近

其三

在遠如近世德作求

太祖皇帝神武造周戰薩爾滸強敵虔劉創建盛京定宅上游

其四

定宅盛京

太宗繼起杏山一戰濯靈萬里

帝業遂成隆業山祀石馬無聲太平久矣

其五

太平久矣

高宗永言永言艱難子孫勿諼百四十四戰圖屹存四詣陪京

從

祖道尊

其六

從

祖道尊我

皇克嗣踐阼十年霜露念積小愆未殲徐待歲事

天

祖式臨事機順利

其七

事機順利鴻業克承神器至重付託兢

兢癸巳告

天癸卯告

陵茲來告慶喜色上騰

其八

喜色上騰

皇帝莅止鼎湖雲遙優恤天咫饗隆恩殿

列祖有喜世德舞成錫福

天子

其九

錫福孔多矧蠻

於穆

郊

廟

堂子

皇儀雝肅跡溯生稷恩報貽穀醑酒親勳柔神嶽瀆其十百神

胥柔萬國悉賓邇者越南絕遠稱臣歸功求定燕翼如新御崇

政殿大澤布春其十大澤布春朝儀煌煌麟振鷺振濟濟

蹌朝鮮陪臣蒙古汗王拜賜同聲稱萬壽觴其十稱萬壽觴

帝容有澤曰

列祖恩披荆作宅

皇考命余黽勉世澤治繼垂衣恩隆當璧其十三乃廣

隆恩刑減賦蠲莊頭旗租亦貸一年賜爵一級獎爾班聯青衿

增額庠序歡填

其十四

歡聲滿野舊京耆老先朝粟帛拜賜最

早踰廿三年新恩浩浩願

天子壽萬年大寶

其十五

萬年

天子駐輦問俗國語騎射家法是勛貽孫資成念

祖錫福佳氣萬年如初升旭

其十六

聖駕臨幸翰林院禮成頌

謹序

集周頌字

臣肅言考自古哲王之王造邦以武畧濟時以文思厥用相維其在繼序保成之主顯列克嗣孝思無斁顯德昭燦侯綏用命荒服躋瞻求福我后其有不率命將克之如農之惡蓼耘之挫之柞之薶之戈止矢橐開承明之庭四維肅穆三陽離和肆夏有序殷周以降其維今日乎維

天依於有德昇駿命於億載對時受釐縣縣乎及秭未艾白山肇家貽穀無疆考明之不競多方有播越之患千畝耜耕不及穫牛奔蜂飛人反自螫其時我大清閔斯人之疚及時揀之綏厥士女活彼孀單開廩畀之糾桓桓之旅肇基戎功收崇及奄遏彼密祖

天監在茲昭信無我嗟我介士載饗鼓之

皇武不殺維予圖爾勝師之徂如嶽如茶厥行肅肅時澤旣降  
稷黍其活畛隰雖雖噴其徂饁侯畎其耜耕且嗟嘻載笠于于  
筐筥濟濟婦子來將達於萬驛驛無嗟噫顯烈旣成奄有萬邦  
序王公侯伯之封山高河明子孫永繼保艾綏緝之後遵周南  
之作人昭示來茲斯時辟雖來瞽鐘鐃鞀磬相於以作夷考斯  
文之顯已俶於天聰崇德之年侯維

世祖駿烈實基我家龍光屢降就爾典學時維王崇簡王熙克  
受休命迄康熙年錫予繁多續有訓宣伊我

純皇帝秉綏柔之筦思保邦之難夙夜緝熙十功有成穀我婦  
子肩壽有養四方震疊莫不畏威思惠乃降于明庭予以多祉

顯播厥文休溢多方迄我

皇肩仔永命無忘孝思惇牡鼎鼐黼黻磬管敬享乎

天以

純皇帝配在易渙有之王假有廟是矣陟家烈在侯徂於田將射厥麋有介其馬有鳥其旂有鴈其偉多言沮予子不爾允匪競厥武我

祖我

考實勤止厥命之矣武備既實威播百辟光天之下胡不栗栗嗟彼不率其彊且戾子忘母育反薄我壻自求百刑終爲蓼朽十百其耦烝烝鱣鱣何其不爲觀哉簡將命之曰我

皇考未終之業綏緝惟予予何敢不靖以威辟以止厥辟有繫

以絜之有罇以掙之有斤以斯之我面我圉於是乎端用是四  
時茂對維魚應豐敦薄懲盈耆康孌保有穀以祀有鱣鰻以醉  
其客有羊及兕觥以享公堂有家有室有百畝之畬以飽其子  
孫周天無私於彼於此俾我來福多方來王聽于典客猗彼天  
南小邦亦走介求命休哉

上念

先皇右文永懷靡厭日月其徂似續在予予敬緝之維彼西清  
之客有伊陟振牟佚子周堪牟容景喬孫康吳兢王維侯繼趙  
嘏胡圖之耦皆堪咨訪晦明夙夜就將於此于于乎莫不庶幾  
上之載戾止絲言自降發錢千億庀斤求樹漆其櫛墮其牙新  
其角亦既落成厥時載陽我



皇至止祀於孔子有椒有黍酒醴牛羊禮成受福高虞既維小蟲亦設百奏翕繹設燕於斯旨酒厭厭

天保定爾爾王爾公及爾多士其斐其且媚于

天子厥有天章立皇王之極縣於眉以爲型允昭厥式祐斯受止惠亦洽哉夷考文命之敷悠矣厥在岐周侯維后稷載震載夙俶有家室公劉篤之文王武王顯之成王康王亞之率考夫前載敷後王之福其饒香假于有昊有昊福之其酒醴享于祖妣祖妣福之猶莫如我

皇之孝思顯烈邁彼百王矣遭時熙洽小言載實或比於工與瞽之陳其文曰

二儀旣判王猶允肅百王之王受享於穆維

皇右文維時其康維福予德主敬以將河嶽降禎小子有造追琢其相於維

高廟上儀曾舉鈴和馬維夙哀其傑信其濟時烝土介止鯉飛鷺振匪競其有朕率以身禮成時熙後來允式不維有文維其有德我

皇念茲止其敬止求莫無難允保定止界廣年豐民懈於備匪潛其閒積敖以肆荼蓼莫芟無以保良定而后克其師央央載克有苗亦執匪眾革其反心弓觥不用旅客夜行穰穰萬里銍黍獲稂積多於秭大武右文毖茲在宥四時戢柔周應文宿人文載右天干又周陟降在茲衣紵弁俅旣集辟離亦考天祿百王其徂昌時受福王鮪未薦上辛旣禋文宿夜見

帝右文人乃肆子牡馨孔子庭厥維簫鼓喤喤其聲陟高躋觀  
神山其高筭以拚之羽客王喬夏日不烈春澤不淫有客止止  
茹古函今伊

皇寶來昭德嗣光左之右之維公維王見龍在天天下文明百  
爾在位喤喤其鳴介祉永譽紹家有繹穆穆無爲敬思昭假允  
思厥成顯序無疆維

皇壽佛純嘏爾常

川楚蕩平雅

謹序

皇上御極之七年冬某月某日經畧臣額勒登保參贊臣德楞  
泰以賊匪淨盡川楚又安飛章上聞喜色布於山川歡聲溢於  
中外四表相慶祝自今以始至於億萬齡康樂和親如一日惟  
我大清

列祖

列宗世峻其德以配

天受祐泊我

高宗純皇帝神靈威武邁軼萬禩闢地二萬餘里迨日出入罔  
不共命況幅輳之內

列聖雨之風之黍稷纘絮若手授之俾煦而腴長其子孫

皇上德巍聽卑處乎太微紫微承光馭娑之端偏隅一夫有啼  
號者

聖人憂形於色起枯援溺登諸衽席而後已孰敢不順若格男  
之於慈母是自絕於日月也雷動而霜刈之乃煩六師久而後  
定蓋國家休養生息百五十餘年迨乾隆六十年郡國戶口眎  
仁皇帝朝且二十倍豐熾博大非種蘖芽邪說煽誘守令不知  
昌明大經大法開戒震聳蠢動者蠕蠕而肆以漸蔓滋火燎間  
外無勇兕出鹿挺益張於險我

高宗純皇帝歸政訓政耄勤不倦命將調卒宵旰晝三年刻  
剔茲事未竟

皇上至仁大孝以天下養謂一隅不圖縈我

聖慮侍寢侍食之暇堯倣舜咨罔一息圖親政伊始首授帥印以專責成尅日滅賊羣疑臆決百喙續出

皇心自一日奉

天命稟

親訓念民岳克敬克畏庶以善繼述而膺

天篤發慮策功心與

天謀祛阻撓軍務之言

廟算獨勝下令如水不疑不貳乃罔不臧大憝次第卽戮羽翦根拔黃屋所幬克清克圍以成大功而臣伏讀已未以來

聖諭仰窺憂勤密勿於萬一有以知並包者大畧丕承者至孝抹倣觀成之不易易也夫姦宄之眾皆食毛踐土於光天化日

中奪其邪心而游於大化可坐而理也賊民旣興立教相號召  
白蓮生於閒色樹幟黃白青藍厖雜羣吠衙阜村巫階厲包禍  
私拜官職顯拒捕討謬種妖言毒中膏肓乘征苗之師抵隙而  
起利誘威脅蟻聚烏合巴蜀川楚之游民羣甘禍而從之

皇上特製邪教說以肅清萬古之人心下寬大之詔予賊以自  
新之階導其悔罪教諭臣工以天人感召之微妙神速以震動  
朝野之視聽教牧守令以宣讀

聖諭廣訓厚風俗敦愛敬而豫養之飲射讀法時經常炳然從  
善者樂且益堅迷途歧路聞木鐸而知返賊黨離散此

皇言之大也朝政肅於上軍令一於外若啟蟄振蹶而鼓動扶  
掖之於是避敵者削其爵弛江防者殺降者冒功者侵軍楫者

各置之法得賊首者重其賞捷至第其功調度得宜則晉將帥之階披險獲醜被重創者一卒之勞必錄予爵予官迄於鏐牌佩物之賜以萬計歸親老者贈陣亡者死事之恤迨其子孫昭忠之祀著於桑梓戰將一胥宥之以觀其後效剿撫兼用降人不誅鄉勇佐軍預籌位置大吏請設鎮易縣有當必如其言吏之墨者去之而獎其廉者雖以事去職旋復其初且有不次之擢邪正判勇怯異軍中歡聲不譁而合乃并其力靡戰不先此皇猷之懋也直省以水旱告大資隨之河決已障命溯上流蠲災未陳詢及疆吏絕遠至僻燭照而數計之如階下然耔種與汝貸漕糧與汝截丁銀與汝緩且蠲焉發財發粟至於再至於三國力不匱而又篤念用兵以來土或不耕農職曠焉緩徵免



身學二文集 卷一  
徵費亦鉅矣軍中行有糧坐有餉源源于道舟車運載銜尾擊  
轂士飽馬肥同志同仇賊來擊之若拉枯朽庠序之士耰耨之  
氓皆爲勁旅此

皇仁之渥也將帥之功必有稟承政令之行均歸張弛一人之  
心四海之心三軍之心相爲呼吸者也

皇上親政禁言祥瑞用止獻諛杜滿志之萌禁貢金玉用遠言  
利清治體之源國帑裕如有司以助賑請者拒之罰鍰旣納以  
銀鑄繳者嚴飭之採玉獻珍求賞者明諭以不可以寶不貪崇  
治法一再求直言思悉民隱而弭天變誠求虛受清明在躬樹  
之風聲億兆觀治除穢滌瑕此

皇心之一也王者之道莫大於孝太和吉祥戢戢於是

高宗純皇帝爲天下得人自癸巳薦

御名於

天至誠貯蠻符願授受

皇上體付託之重念貽謀之慈九五終喪與守禮之士同必誠必至不徇羣臣之請大孝至純震古耀今至於大政大典肅遵祖制言官之言涉變易者則闡明

列祖制作之精示率由不忘之敬捷書之入歸本於

昊天之貺

皇考之眷蓋事事惟

天與

祖與

親之式憑端居淵默陟降在庭郊廟朝堂翼翼奉事宮中默祈  
穹窿響荅積寇之除神助冥相雲旂見於山窖礮出於地以助  
我武之揚嫠婦墮於懸崖逋囚縲於鄰境高明懸鏡鮮有遺孽  
秋猶挽弧式循家法凝承在茲淫言不奪自今年元旦間捷凱  
音駢至而大駕至熱河蒞上蘭皆於駐蹕之頃聞獲醜之報天  
人協應

祖

考憑依明效大驗此

聖孝之純也以是五者裕戡亂之源爲延釐之本而又矢之以  
勤勝之以算嚴寒盛暑丹筆批荅無間晷刻防河搜林機宜指  
示夷險萬變如觀掌紋蓋至萬方送喜一人已勞

大聖人剛柔適宜文武合撰方修懿德於干羽之階布倬章於雲漢之表召史官纂

高宗純皇帝實錄每一卷成必敬諷而親釐之漏箭不易卷中譌字與書法不中式者一經指示詞臣愧汗靡不敬服開會典之館續修典禮撰災賑之紀誌勤民之實皆於籌軍籌餉之餘親舉綱目

帝在藩邸所撰詩文隨筆胥治世之大經大法俞內廷諸臣之請手訂之嘉惠藝林爲文章極則豈非天亶聰明聖觀萬物故能耆武觀成竟

高皇帝未竟之緒而綽有餘裕也哉

皇上謙抑自持不張大功謂賊匪之平吾內地赤子耳不足誇

露布用紅旗命帥臣黃摺入告然則自今以往

皇上所以敬

天法

祖以

純皇帝之心爲心履豐不泰保世滋大固且兢兢業業至於萬  
年不遑暇逸不自滿假長如今日豈與夫漢唐以來誇戰功而  
矜饒奏者比哉臣顧昔者備員史館又嘗侍筆內廷親仰九重  
憂國之容獲觀六軍奏凱之盛歌咏臣職不敢自祕雖守封疆  
於外而述職之日正值西南綏定春和錫福之初敬成川楚蕩  
平雅一首以歌詠豐功偉烈推本於

聖敬

聖孝之隆附雅材江漢諸篇之末其詞曰

皇武

聖謨廣運也

皇耆其武八方來庭孰敢犯順以膏天刑三紀曠誅汝昏不靈  
哀此良氓震動弗聞初親大政臨朝一怒憂我

皇考汝罪不恕茲事在予

天

祖託付師干之任臨軒首樹

帝有恩言下令六師雷霆于宣師興賊披憫汝冥頑甘毒不知  
怙惡無赦歸斯受之恩言初降旌旗變色孰敢受恩臨陣避賊  
孰疏汝防誅不待劾法不可試汝思汝職恩言初降六師欣然

身學士文集 卷一 三  
撫汝瘡痍憫汝顛連獎汝之勞頒賞萬千恤汝之亡恩禮厚焉  
滔滔六師式秉廟謨萬里指掌先慮克符惟

天

祖

考付託在予以宥以釐以圖八區

皇武六章章八句

雲漢 天章炳倬也

倬彼雲漢爲章于天

帝有大誥垂示萬年嗟汝有司不扶民顛俾民淪胥陷于重淵  
帝念頑民皆吾赤子不順必誅順貸爾死爾死不知大誥告爾  
四海大同聞者皆喜

帝念羣愚貪利罹法有司失教邪說喋喋萌芽不除又以威劫  
雖誅不悔自干令甲

皇帝寬大憫汝頑民導汝知歸許汝自新命汝有司各撫其人  
賊悔其慙民氣以伸仁言所布賊去其藪

皇帝赦我我歸敢後敢率不類以怒父母始事之慙莫不授首  
帝有恩言命汝有司姑容張皇皆汝害之汝有赤子汝善撫綏  
導之大同罔不率俾

雲漢八章章八句

昭融 景命維新也

昭融

上帝篤祐累仁



列祖

高宗受以明新

皇帝繼序萬邦尊親其有不臣國法必申茫茫八方皆

帝所庇

列聖休養百五十歲地腴齒阜萌蘖不類蠢動草野乃起而肆

帝既親政文武兼資

郊壇請命宮中默祈癸巳薦人

上帝受之及斯蕩平默相機宜

帝祛羣言默與神謀宵旰其勤以荷

天庥元旦蔥蔥千門彩浮風馳好音捷至神州法

天法

祖莫先繩武秋獮家法簡軍式矩駐蹕之初好音馳羽明昭之  
賜俾園而宇俾園而宇至於億齡作屏大憝昌明大經膏以膏  
雨震以明霆惟

帝代工以順

天聽

昭融六章章八句

維清緝熙 繼志竟功也

維清緝熙

列聖世德吾

皇纘緒錫福九域寒煦之衣饑哺之食危與之安勞與之息

皇帝神武垓埏肅清七年殷憂大功遂成我壯不戍我老不驚

左餐右粥食不我爭天下無爭惟

皇之化化普功崇

聖心益下曰

天

祖

宗圍我時夏朕敢尸功庶幾夙夜

皇帝夙夜惟民之咨咨爾大吏與朕共治毋匿民憂而忘怙危  
庶幾萬年爲民延釐爲民延釐請命於

天已治已安

皇心維乾受貺

祖

宗陟降几筵庶幾夙夜降康瀛壖維清緝熙億齡受命

皇帝保泰率土表正加賞勸勤

天人協應

小臣

陳雅以闡金鏡

維清緝熙六章章八句

恭賀天喜劄子

爲恭賀

天喜事欽惟我

皇上道溥生成政兼溫肅繼志建丕承之烈乃武乃文安民成  
耆定之功以育以正邇維奸民之不靖輒陷邪教以胥淪負五  
朝誨養之恩勞七載蕩平之計游魂相煽遂延秦楚巴蜀之郊  
赤日方中敢立黃白青藍之號

御製千言之說久正人心天資七萃之威歷聞神助討逆則戰  
無不克首惡全殲稽誅則法在必伸逋囚亦獲奮軍聲以伐叛  
疊聽捷音搜賊黨而勦强淨除餘孽雨車效順銀河符洗甲之  
期露板告成饒奏譜由庚之什是皆由我

皇上大猷篤祐

聖孝觀成在宥受八表之歸主器副萬年之寄當三載問安之日體堯勤而肇畫已周暨九重親政之年張殷伐而經綸益大郊壇默禱宮中契降鑒之靈將帥申咨閭外專責成之任機宜指示

廟謨並濟以綏戡綱紀肅清軍令特嚴於賞罰加賑頒而常賦減難民騰歸市之歡特擢寵而大賚周鄉勇識從軍之樂用能導和玉燭錫慶金甌成

高廟未竟之勲受

蒼昊方隆之眷延禧元旦宣章兆平寇之祥講武中秋駐輦聞獲醜之喜從茲六軍櫜矢太平敷干羽之文億載止戈

神武賜耕桑之福臣心依殿陛任在封圻運籌仰宵旰之勤蕝  
事合垓埏之慶書生賦政寢干未効於涓埃史官紀言載筆舊  
從於歌咏當右粥左餐之樂願增喜於龍顏值挂弓臥鼓之年  
請書祥於鳳紀

孫善慶校字  
外孫薛葆槌